



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavrvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 282. Venite & videte locum ubi positus erat Dominus.

urn:nbn:de:hbz:466:1-45515

Domine qui nosti omnia & quem nihil potest latere, respice quoque ad meam intentionem in te quærendo, & si quid est quod displicer in ea, mitte auxilium ab alto à quo corrigitur, & ad finem perfectum dirigatur ad tibi scilicet serviendum & te videndum.

§. 281. Non est hic surrexit enim sicut dixit. v. 6.

Ne igitur putarent sanctæ mulieres videntes tanto in splendore Angelum sedentem ad sepulchrum, ipsum esse Jesum quem quærerent, & sic ipsum adorarent adoratione latræ, quæ soli Deo debetur, sed sola duliz quæ SS. & hominibus etiam dati potest, prævenit ipsas & dixit, Non est hic, scilicet Jesus Christus quem vos quæritis adorate, neque ego sum Jesus sed eius minister, itaque cavete ne me adoratione indebita adoretis, sed Christum qui surrexit sicut dixit, & hinc abiit in Galilæam, adorate illa suprema adoratione.

Domine in omnibus tuis ministris agnosco mirabilem humilitatem non glorie propriæ quæstum, sed tuam ubique & in omnibus: contra in omnibus infidelibus, hereticis & impiis etiam Catholicis, miram auento ambitionem, & arrogantiæ, ita ut vel inde dignosci possint. Itaque Domine Deus opto ex animo esse tuus minister, & quis dabit mihi hanc gratiam ut sic in omnibus quæram gloriam tuam semper, & nunquam meam, nisi tu Deus qui es ipsum humilitatis exemplar, da quod placitum est, placitum namque tibi est habitare in corde humili, ut maneam fidelis servus tuus.

§. 282. Venite & videte locum ubi positus erat Dominus.

Postquam iam Angelus sua humanitate & gratia aliquem animum mulieribus his addidisset ut timorem naturalem fœmineo sexui remitterent, insuper appellaret Iesum quem quærerent & Dominum suum, induando ut, sicut illæ venissent ut eum adorarent & servirent, & testes resurrectionis eius esse possent, sivecum ibi adesse in eundem finem scirent quare appellavit eas ut audacter accederent ad sepulchrum, & omnia perscrutarentur, ut ex signis Christi resurrectionem fideliter & sine hesitanndo credere & annuntiare possent.

Domine quanta dulcedo est conversari cum tuis ministris, cum quanta humanitate, & animi sinceritate nos pauperes humunciones ad te alligare norunt & agunt nobiscum & conversantur, patet in hac Angeli tui conuersatione.

versatione circa has debiles & anxietate alias plena mulierculas. Ecce quomo do eas allicit, vocat & instruit pro gloria tua: Ita, Ita, obsecro sim constitutus Domine in via hac qua ambulo ut omnibus sim benevolus omnes instruere intendam cum omni humanitate ad fidem tuam, virtutemque secundandas.

§. 283. Et cito euntes dicite discipulis eius quia surrexit.

Exponit Angelus ulterius legationem suam quare sit missus ē cælo ad eas, postquam eas solatio ex nuntio sancto recreasset & non timendum monstrassetque ipsis sepulchrum & signa resurrectionis docuisse, nimis ut diceret eisdem, ut ex parte Dei & Iesu pergerent cum festinatione & quæ vidissent & audissent annuntiarent discipulis Iesu, qui circa resurrectionem anxii & dubij habebant, ne quis eorum in maius peccatum labetur incredulitatis, & deficeret a Iesu Domino & Magistro suo, ideoque mandavit ipsis ut cito euntes discipulis annuntiarent, o gaudium o lætum nuntium ab Angelo Dei audire Christi resurrectionem, & liberasse per consequens nos perditos a diabolica potestate.

Domine mitte quoque mihi Angelum tuum sanctum qui me & omnes errantes in veritate doceat, quid faciendum, quidve fugiendum, ut mereamur credentes salvi fieri, & videre quandoque Dominum nostrum gloriosum in cœlis.

§. 284. Ecce præcedet vos in Galilæam.

Pergit continuo Angelus eas docere & suggerere verba ipsa, quibus loqui debeant, nimis ut præceder vos in Galilæam, unde etiam utitur verbo, Ecce, quasi dicat quod jam jam Christus eat in Galilæam, ut se visibilis præbeat, ideoque oporteat festinare, ut eum videre ibi possent gloriosum.

O Quis non curreret ad tanti tamque Sancti hortamenta ut Christum videre possimus, calcaribus opus non fuit sanctis, mihi vero opus sunt languido in querendo Domino meo, Ecce dies mei transeunt, horæ labuntur, & menses prætereunt, video me currere ad mortem celerius quam putem, & hinc transmigrandum, & quidem cito, & tamen non magis moveor ad te querendum Domine! quis mihi addet calcaria nisi tu Deus meus, Ergo ad te me recipio, a te flagito auxilium & gratiam, ut antequam migrem ex hoc mundo nequam, te queram sincerius, ad te curram, & viam mandatorum tuorum ita, ut te invenire valeam.

§. 285.